



*Nakristianoan
a Ministri ni
Tony Alamo*

Pagiwarnak para iti Lubong

BARO A JERUSALEM

Dagiti Iglesia iti Entero a Lubong

Pastor Tony Alamo

Ti Nakristianoan a Nasion ni Alamo

Libro 20100

TALLO A SAAN A NABALLIGI A GANDAT A PANANGPARMEK ITI DIOS

ni Tony Alamo

Saan ka kadi a maringgoran nga inallilaw ni Satanas ti entero a lubong? Ginandatna a sukatan ti DIOS ken ti pagarian ti DIOS iti tallo a daras. Dua kadagiti gandatna ti nakaayay-ay a napaay, ket ar-aramidenna ti maikatlo a gandatna iti daytoy mismo nga oras ken mapaayto met daytoy.

Ti umuna a gandat ni Satanas a mangparmeek iti Dios ket iti Minuyongan ti Eden, idi a sinaludsod ni Satanas ni Eva, “Imbaga kadi ti DIOS?” Kuna ti Genesis 3:1-3, “Ti uleg [Satanas] ti kasikapan kadagiti ayup iti daga nga inaramid ti APO a DIOS.

Ket imbagana iti babai, imbaga kadi ti DIOS a saankayo a mabalin a mangan iti tunggal kayo iti minuyongan? Ket ti babai [imbaga a tubngaren ken laksidenna isuna] imbagana iti uleg, mabalinmi ti mangan kadagiti bunga dagiti kayo iti minuyongan.” Ngem imbaga ti DIOS, maipapan iti bunga iti kayo iti tengnga ti minuyongan, “Saan kayo a mangmangan iti daytoy, wenno uray sagiden pay, ta mataykayo.” Idi imbaga ti DIOS “ta mataykayo,” Saanna nga imbaga a ti patay ket apagbiit, naminutoan a banag. Ti kayatna a saoen ti patay ket agnanayon a pannakatay ti kararua ti lalaki wenno babai, agnanayon iti apoy ti Impierno, agnanayon a patay. Makita daytoy a kinapudno iti entero a Daan ken Baro a Tulag nga Eskratura.¹

Saan pulos nga inarapaap ti babai, kasta met ti kaadduan a populasion ti lubong, a



Da Pastor Tony ken Susan Alamo ken ti orchestra iti internasional a programada iti television
nalitrato idi 1974

no awatem ti argumento ni Satanas, awatem ti nakaayay-ay nga agnanayon, Impierno nga awan patinggana, nga addaan iti kakaroan a makapabagtit nga epekto iti agpada a kararua ken panunot ti biktimana. Iteg-abna ti asuk ti biktima iti agnanayon (Paltiing 14:9-11). Mapadtengto dagiti agdayaw (ki, dumngeg ken ni) Satanas, iti one-world governmentna, ken iti sangalubongan nga iglesiana (Katoliko) ti isu met laeng a gasat.² Iti kinasikap ni Satanas nga imbagian ti uleg, inallilawna ni Eva ken al-allilawennan ita ti entero a lubong.³

Nadakamat ni Satanas iti Paltiing 12:9 kas ti naindaklan a dragon. “Ket naitap-puak [manipud Langit] ti naindaklan a dragon, ti daan nga uleg, a naawagan iti Diablo, ken Satanas, a nangallilaw iti lubong.” Ammo ni Satanas a mailunodna ti

entero a lubong babaen iti panangalli-lawna ken ni Eva.⁴ Nagbalin ni Eva kas umuna nga ebangelista ni Satanas; isuna ti immuna a kalding. Tapno makapagbalinka a kalding ni Satanas, masapul a saanmo a patien ni JESUS, wenno ti agbalin a disipulona. Saanmo mabalin ti agbiag iti naikrus a biag ni CRISTO, ngem masapul a nawayaka a mangaramid iti aniaman a kayatmo. Saanmo mabalin ti mangitestimonio ken ni CRISTO ngem masapul nga ilibakmo ISUNA, ISUNA nga immay ditoy lubong tapno mangisalakana kadagiti managbasol.⁵

Idi imbaga ni Satanas ken ni Eva a saankanto a matay ket agbalinkanto a kas DIOS, isu a manganka ken ipakanmo met ti isu met laeng a prutas iti asawam, inaramid ni Eva ti imbagana ken kinasabaanna ti asawana. Nalukatan dagiti matada (Genesis 3:7). Ammoda a managbasoldan, ken naallilawda. Kukuan ni Satanas ti pannakaimaton ti lubong imbes nga isuda koma, ket awanen ti makapasubli kadakuada iti DIOS malaksid iti pammati iti masakbayan a pannakatay ken panangungar ni CRISTO.

Dati a dakdakkal ti panangbendision ti DIOS kada Adan ken Eva ngem kadagiti aminen a parsua. Intedna kadakuada ti panangimaton iti entero nga uniberso, iti tunggal sibibiag a parsua. Dakamaten ti Genesis 1:28 nga imbaga ti DIOS kada-

(Naituloy iti panid 2)

¹ Sal. 9:17, Isa. 5:11-15, 33:10-14, 66:24, Mat. 3:12, 5:29, 7:13, 8:11-12, 10:28, 13:38-42, 47-50, 18:6-9, 22:8-13, 25:31, 41-46, Marc. 9:42-48, Luc. 3:17, 16:19-26, 2 Tes. 1:7-9, 2 Ped. 2:1-9, Judas 5-7, Pal. 14:9-11, 19:20, 20:15, 21:8, 27 ² Pal. 13:1-8, 14:8-11, 17:1-15, 18:1-8 ³ Gen. 3:1-6, Isa. 14:9-17, Mat. 24:11-12, 24, 2 Cor. 4:3-4, 11:13-15, 2 Tes. 2:3-12, 2 Tim. 3:13, Pal. 13:1-8, 11-18, 16:13-14, 17:1-2, 8, 18:2-3, 23 17:8, 19:19-21, 20:1-3, 7-10 ⁴ Rom. 5:12-21, 1 Cor. 15:20-22 ⁵ Mat. 20:28, 26:28, Juan 1:29, 3:14-17, 6:51, 10:11-18, 11:49-52, Ara. 5:30-31, 20:28, 26:23, Rom. 5:6-11, 1 Cor. 15:3-4, Gal. 1:3-4, 2:20, 4:4-5, Ef. 5:2, 1 Tes. 1:10, 5:9-10, 1 Tim. 2:5-6, Tito 2:13-14, Heb. 2:9-10

TALLO A SAAN A NABALLIGI A GANDAT A PANANGPARMEK ITI DIOS

(Naituloy manipud iti panid 1)

kuada, “Aganakkayo ken agpaadukayo ket punnoenyo ti lubong ken iturayanyo daytoy: Ken iturayanyo dagiti ikan ti baybay, ti tunggal tumatayab iti tangatang, ken tunggal sibibiag a banag nga aggar-garaw iti daga.” Da Adan ken Eva ti nakaitalkan ti entero a lubong ken amin nga adda ditoy. Idi inallilaw ida ni Satanas, nagtalinaed ti entero a lubong iti basol iti panangimaton ti diablo, isu nga plinano ti DIOS a subboten ti lubong babaen iti yaayna iti lubong a kas tao.⁶ Nagbalin ti DIOS kas Anak ti Tao. Linibakna ti BUKODNA para kadatayo, uray pay iti BUKODNA a pannakatay idia krus, a sinaruno ti panagungar ken panagpangaton idia Langit.⁷

Ibaga ti Juan 3:16, “Kasta la unay ti panagayat ti DIOS iti lubong ta intedna ti bugbugtong nga ANAKNA, a siasinoman a mamati KENKUANA [saan a ken ni Satanas wenno iti siasinoman] saan a mapukaw ngem maaddaan iti agnanayon a biag.” Posible laeng ti pannakaadda iti agnanayon a biag no ni CRISTO, nga isu ti DIOS, ti Dalan, ti Kinapudno, ken ti Biag, ket agtultuloy kenka kas biagmo (Juan 14:6).⁸ Saanmo a magun-od ti agnanayon a biag babaen laeng iti panangibagam iti kararag ti managbasol. Masapol mo met ti agbalin a disipulo. Binilinnatayo ti APO nga alaentayo ti krustayo ken sumurottayo KENKUANA (Lucas 9:23-25).⁹ Tapno magun-odtayo ti biag nga agnanayon, saantayo pulos mabalin ti bumaba manipud iti krus.¹⁰ Iti sabali a pagsasao, saantayon mabalin ti agbasol pay.

Ni Satanas ket naabaken a kabusor.¹¹ Idi damo, kasla addaan ti agnanayon a turay ni Satanas iti lubong. Ngem ita, magun-odtayo ti panangituray ken CRISTO no pagtulnogantayo ni CRISTO ken libakentayo ni Satanas, ti one-world governmentna, ken ti satanic a kulto nga iglesiana nga ipangpanguloan ti Vatica.¹²

Ti maikadua a gandat ti tao a mangparmek iti DIOS ken iti pagarianna idia Langit ket idia Babilonia. Napaay daytoy,

siempre. Nailanad iti Genesis 11:1-9 a “maymaysa ti lengguahe ken sao ti

entero a lubong. Ket idi a nagdaliasatda manipud iti daya, nakabirokda iti patad a daga idia Sinar; ket nagtalinaedda sadiay. Ken kinunada iti tunggal maysa, mapantayo ket agaramiddayo iti ladrillo, ken puorantayo a naan-anay. Ket naad-daanda iti ladrillo kas pannakabato, ken galagala kas pannakamasa. Ket kinunada, intayo ket mangbangontayo iti ciudad ken torre, nga addaan ngatoen nga umabot iti Langit; ken agaramiddayo iti bukodtayo a nagan ta di la ket maiwarawaratayo iti rabaw ti entero a daga. Ket bimmaba ti APO tapno kitaenna ti ciudad ken ti torre a binangon dagiti annak dagiti tattao.

“Ket kinuna ti APO, Kitaenyo nagkaykaysa dagiti tattao ket addaanda iti maymaysa a lengguahe ket rinuggianda daytoy nga inaramid: ket ita awanto ti makalapped kadakuada iti banag a pinanunotda nga aramiden. Intay ngarud, bumabatayo ket riribukentayo ti lengguheda tapno saanda a maawatan ti pagsasao ti tunggal maysa [kas iti saan a panagkikinnaawatan dagiti Democrat ken Republican iti agdama, isu nga awan ti nasayaat a mairengrengpas]. Isu nga inwara ti APO ida iti entero a rabaw ti daga ken insardengda ken pinanawanda ti panangbangonda iti ciudad. Ngarud, isu a naawagan daytoy iti Babel gapu ta riniribok ti APO ti lengguahe ti entero a daga ken manipud dita inwara ida ti APO iti entero a rabaw ti daga.”

Ti maikatlo ken maudi a gandat ni Satanas a mangparmek iti DIOS ken ti pagarianna ket mapaspasamak iti daytoy mismo a kanito. Pinapalso nga ibagbaga dagiti dadduma a tattao a dagiti UFO a makitkitada ket naggapu kadagiti dadduma a planeta, ngem daytoy ket palso. Dagitoy a UFO ket saan a nagtaud kadagiti dadduma a planeta; naggapuda manipud idia Langit. Ti rason no apay nga ammok daytoy ket gapu ta idi mapmapankami ni Susie idia Las Vegas tapno agkasar, addakami iti highway iti nagbaetan ti Los Angeles ken Las Vegas

iti naladaw a paset ti rabii. Nasipngat idi ni Susie nga agmanmaneho, inalana ti makinkannigid nga imak ket imbagana kaniak, “Tony, agkararagta iti DIOS tatta ken dawata KENKUANA no adda dagiti UFO, a makitita ida.” Sigurado la ketdi a saan a mangngeg dagiti parsua manipud kadagiti dadduma a planeta ti kararagmi iti DIOS, wenno sungbatanda ti kararag nga idatdatagmi iti DIOS. Insigida, timmayab a diretso iti windshieldmi dagiti squadron ti UFO. Immasidegda la unay nga iti panagkunak ket maidungparda kadakami. Sinungbatan a dagos ti DIOS ti kararagmi. Idi sinungbatan a dagus ti DIOS ti kararagmi, rimmegta ti pammatik iti DIOS ken iti isusungbatna kadagiti kararag.

Dagitoy kasla dalig a tumatayab ket nadakamat iti sumagmamano a daras iti Biblia.¹³ Isuda dagiti royal nga anghel a puersa iti tangatang a mangmanmanman iti kinadakes daytoy agdama a lubong sakbay nga leppasen ti DIOS ti kinadakes nga adda iti lubong inton agsubli ni CRISTO. Imbaon ti DIOS dagiti anghel iti daytoy a paset ti tiempo ti tribulasion (addatayo kadagiti tribulasion). Agreport dagiti anghel iti DIOS, santo ibaon ti DIOS dagiti mamangdadael nga anghel a mangdadael kadagiti matutup a nadadakes a lugar ti daga.¹⁴ Mangdadael ISUNA babaen kadagiti peste (a saksakit), bisin, layus, ginggined, tornado, ken adu pay a dadduma.

Dakkel a paset ti populasion ti lubong ti mamati nga atiwen ti sangkataoan ti DIOS. Nalipatandan ti napalabas a panangpaay ti DIOS kadagiti gandatda. Imbaga ni Satanas ken ni EVA a saankanto a matay ngem “agbalinkanto a kas kadagiti dios.” Ngem nagulbod isuna. Ammotayo daytoy ta natay nga agpada da Adan ken Eva. Saan met a nairengpas da Nimrod ken ti populasion ti lubong ti torreda, wenno napatakder man laeng ti siudadda idia Langit. Saan a napasamak dagitoy.

Manen, gimmastos ti kadakkelan a paset ti populasion ti lubong iti binilbillion a dolyar ket sipapalubosda a gumastos iti ad-adu pay a trinil-trillion a dolyar tapno maiyakarda ti populasion ti

6 Juan 1:4-13, 12:46, Rom. 5:6-21, Gal. 4:4-5, Heb. 2:14-18 7 Mat. 16:21, 20:17-19, 26:31-57, 28:1-10, 16-20, Marc. 10:32-34, Luc. 9:23, Juan 10:7-18, Ara. 1:1-11, Gal. 2:20, Fil. 2:5-11, Heb. 12:1-3, 1 Juan 3:16 8 Ezek. 36:27, Juan 14:15-20, 23, 26, 15:3-7, 17:21-23, 26, Rom. 8:10-11, 12:1-2, 1 Cor. 3:9, 16-17, 2 Cor. 6:16-18, Gal. 2:20, Ef. 2:10-22, 3:16-21, Fil. 2:13, Col. 1:27-29, 2 Tim. 1:14, 1 Juan 3:24, 4:4, Pal. 3:19-21 9 Mat. 16:24-26, Marc. 10:17-30, Luc. 9:59-62, 14:26-27, 33, Juan 12:24-26, Rom. 8:1-14, 35-37, 12:1-2, 1 Cor. 9:26-27, 2 Cor. 5:9-21, 6:1-10, Gal. 5:16-17, 24, Fil. 3:7-9, Col. 3:5-17, 2 Tim. 2:4, Tito 2:12, Heb. 11:8-26, 1 Ped. 4:1-2, Pal. 12:10-11 10 Mat. 10:22, 24:13, Ara. 14:22, Rom. 11:22, Col. 1:22-23, 1 Tim. 4:16, 2 Tim. 2:1-3, 3:13-17, 4:5, San. 2:17-26, 5:10-11, 1 Juan 2:24-25 11 Isa. 14: 9-20, Ezek. 28:11-19, Juan 12:31, 2 Tes. 2:3-10, Heb. 2:14, 1 Juan 2:13-14, 3:8, 4:4, Pal. 1:18, 12:3-4, 9-12, 20:1-3, 7-10 12 2 Cor. 6:14-18, Pal. 18:1-5 13 Sal. 68:17, Ezek. 1:1-24, 3:12-13, kap. 10, 11:14-25, Dan. 7:7-9 14 Gen. 19:1-25, 2 Sam. 24:1-17, 2 Ar. 19:35, 2 Cron. 32:19-22, Sal. 78:49, Mat. 13:41-42, Ara. 12:23, 2 Tes. 1:7-9, Pal. kap. 8, 9:1-5, 13-15, 14:8-11, 15-20, 15:1, kap. 16, 18:1-2, 21, 19:17-21, 20:1-3, 21:9

lubong iti sabali a planeta, sabali a planeta a ti panagkunada ket addaan iti amin a galad ti daga. Ngem awan kadagiti planeta ti addaan kadagita a galad. Magagaran nga agur-uray ti naallilaw a lubong para iti pannakapasamak daytoy a kinamaag. Pinatida ti palso a doktrina ti one-world government ken ti demonic nga iglesia, nga agpada nga ipangpanguloan ni Satanas, nga imbaga ti DIOS a mangallilaw iti entero a lubong kadagitoy maudi nga al-aldaw (Paltiing 12:9). Imbaga ti DIOS a ti sangalubongan nga iglesia ni Satanas, a mangtengtengngel iti one-world government ni Satanas, ket masarakan iti ciudad ti pito a turod (siempre daytoy ti Roma, ti Vatica, ti United Nations).¹⁵ No saanmo nga ammo a daytoy a ciudad ket ti Vatica, ti kasapulam laeng nga aramiden ket iti mapan kadagiti travel agency ken agsaludsodka para iti tiket a mapan iti ciudad ti pito a turod. Ikkandaka kadagiti tiket a mapan idia Roma, Italy. Manen, daytoy a mismo ti Roma a satanic nga akintengngel iti U.N., nga isu ti one-world government. Maaw-awagan met a ti “New World Order” ken “Trono ni Satanas” (Paltiing 2:13). Ngannganin dadaelen ti SAO ti DIOS daytoy daga (ken amin dagiti managdakdakes a tattao) babaen iti Anghel nga addaan iti pito a didigra ken dagiti dadduma pay nga Anghel.¹⁶

Ibaga ti Paltiing 17:1-6, 8, “Ket immay ti maysa kadagiti pito nga Anghel nga addaan iti pito a botilia [Dagitoy a botilia ket napno kadagiti maudi a pito a didigra a bitbit dagiti UFO a ti kinapudnona ket IFO, dagiti identifiable flying object. Mabalintayo a mabigbig dagiti IFO babaen iti panangammatayo iti DIOS ken iti SAONA. Ti DIOS ket isu ti SAO (Juan 1:1, Paltiing 19:13).], ken nakitungtong kaniak [daytoy nga Anghel ket nakitungtong kaniak, Juan], nga ibagbagana kaniak, Umayka ditoy, ipakitakto kenka ti pannakaukom ti naikdaklan a balangkantis [ti Iglesia ti Romano Katoliko, ti Vatica] a nakatugaw kadagiti adu a dandanum [amin dagiti

nasion iti entero a daga]: a nakiabigan [ti tunggal narugit a basol ken panangidada-nes ken panangukom kadagiti inosente (tattao ti DIOS)] dagiti ari ti daga [amin a pangulo ti gobierno, kasta met kadagiti ukom ken prosekutor ti Vatica] ken amin dagiti agnanaed iti daga a nabartek iti arak ti pannakiabigna. [Ti kaipapanan daytoy ket ti aw-awaganda a political correctness (kas iti panagasawa ti agpada a lalaki wenno babai, homoseksualidad), anti-Semitismo, anti-Kristianismo, kinawaw iti dara, pamapatay, panagtakaw, ken aminen a banag a maisupadi iti DIOS ken iti SAONA.]

“Isu nga inawitnak [Juan] iti ESPIRITU nga inyadayo iti let-ang [ti lubong]: ket nakitak ti babai a nakatugaw iti eskarlata ti marisna nga ayup [Ti babai ket ti Vatica, ti sangalubongan a relihion, ken ti eskarlata ti marisna nga ayup ket ti U.N., nga isu ti lukan ti Vatica. Inalana ti lugarna tapno madadaelna dagiti aramid ken

dagiti tattao ti DIOS babaen iti Lintegna a Canon. Isuna ket], napnoan kadagiti nagan a panagtabbaaw [kas pangarigan, no ti nademonioan a tao ket mapasaktan babaen iti SAO ti DIOS, aramiden ti Vatica ken ti one-world government a krimen ti mangdakamat iti DIOS kadagiti publiko a pagadalan, korte, entablado ti pulitika, memorial, ken dagiti dadduma pay nga strategic a lugar iti lubong. Ken gapu ti homoseksual ti hirarkia ti Iglesia a Romano Katoliko, nangaramidda iti baro a paglintegan, a dakkal a basol (krimen a pananggura) ti panagbalin nga anti-homoseksual. Tapno agbalin a kastoy ti panunotmo, masapol nga inawatmon ti Marka ti Ayup dita muingmo (Paltiing 14:9-11). Daytoy ket dakes unay a naespirituan a banag.], addaan kadagiti pito nga ulo ken sangapulo a sara [daytoy ti mangibaga kadatayo a ti one-world government ket bukuklen iti adu a gobierno,

(Naituloy iti panid 4)

Kenya

Iti Alamo Ministries,

Kablaaw manipud kadakami iti nagan ni Jesus nga Apotayo. Patiek a nasayaat ti ar-aramidenyo iti ministriyo. Kayatmi a pagyamanan ti ministriyo iti panangipaayyo kadakami iti babasaen ken kararag. Dakkal ti panagyaman ti iglesia ken komunidadmi iti pannakaawatda kadagitoy. Adu dagiti tattao ti nagkeddeng a balbaliwanda ti panagbiagda ken binigbigda ni Jesus kas Mangisalakani iti biagda. Ken sigurado nga addaan iti pudno a mensahe ti babasaen nga Alamo gapu ta adu dagiti tattao a makonkonbertir no iwarwarasmi dagitoy. Isu a ti kayatna a saoen, naglaon daytoy iti naespirituan a mensahe manipud iti Apo (napulotan daytoy).

Isu nga kakabsat, inkeddengmi nga iwaras ti mensahe kadagiti entero nga away ken ig-iglesia gapu ta ammoyo met ditoy Afrika, adu latta ti sumursurot iti tradisional a kultura. Iti agdama agarup 20 kami a naayaban ken makabael a mangibingay ken nainsiriban a mangiwaras kadagitoy a materiales kadagiti tattao. Isu nga inaramidmi a nasayaat dagiti serbision, ken agur-uraykami latta iti impaw-ityo.

Maipapani ken ni Pastor Alamo, patiek a makaruarto ti pastortayo

manipud iti pagbaludan. Ken agkarkarag ken agay-ayunarkami kas maysa a grupo. Ken saannatayo a baybay-an ti Apo ken ibaga daya ti Biblia, kas iti Salmo 34:18-19, “Adda ti Apo kadagiti addaan iti naburak a puso; ken isalakanna ti addaan naburak nga espiritu. Adu ti pannubok dagiti nalinteg; ngem isalakan ida ti Apo manipud kadakuada amin.” Ti gubat ket saantayo a kukua ngem kukua daytoy ti Apo. Basaen met Filipos 4:4-9.

Bendisionannakayo ti Dios.

Napudno kenka,
Pastor Moses Kwembo
Endebess, Kenya



Ni Pastor Moses Kwemboi ken dagiti dadduma a kongregasionna nga agiwar-waras iti pangsou-winning a babasaen ni Pastor Alamo idia Endebess, Kenya.

¹⁵ Dan. 2:40, 7:19-25, Pal. 13:1-8, 14:8, kap. 17, 18
¹⁶ Pal. 8:7-12, 9:1-11, 15, 14:14-20, 16:2-4, 8-12, 17-21



DAGITI ONLINE A MINISTRI NI ALAMO
www.alamoministries.com

TALLO A SAAN A NABALLIGI A GANDAT A PANANGPARMEK ITI DIOS

(Naituloy manipud iti panid 3)

napagkaykaysa kas maysa. Aminda ket agpapada ti panagpampanunotda; aminda ket sibubulsek a mangawat iti aniaman nga ibaga ni Satanas (Paltiing 17:12-15). Aramiden ti diablo a kas panagayat iti pagiliam no awatem amin nga ibagana, ken pananggura iti pagiliam ti tunggal kanito a saanmo nga awaten ti tunggal banag nga ibagana].

“Ken ti babai ket nakawesan iti maris a lila ken eskarlata [dagitoy ket maris ti kulto a Romano Katoliko], ken naarkosan iti balitok ken napapateg a bato ken perlas [Amin dagiti kwarda a naur-or babaen iti Internal Revenue Service nga ilegal a tinagikua ti Vatica. Literal nga addaanda kadagiti trinil-trillion a dolyar tapno say-angenda.], nga addaan iti imana iti balitok a kopa a napno kadagiti makarimon ken kinarugit ti pannakiabigna: [Ti Vatica, nga isu manen ti trono ni Satanas, ket pro iti amin a basol nga adda iti lubong, ken iti netherworld.] Ken ti muingna ket addaan iti nagan a naisurat, MISTERIO, NAINDAKLAN A BABILONIA, TI INA DAGITI BALANGKANTIS KEN DAGITI MAKARIMON ITI DAGA [ti kaipapanan ti sao a ‘naisurat iti muingna’, napno ti panunotna kadagiti amin a satanic a kinadakes].

“Ken nakitak ti babai a nabartek kadagiti dara dagiti santo [ti Vatica ni Satanas ket nalatak iti panangigapuna iti amin a pannakaibuyat ti dara ditoy daga, karamanen ti aborsion, holocaust, ti Spanish Inquisition, ken ti tunggal gubat a napasamak], ken iti dara dagiti martir ni JESUS [imbaga daytoy ti Anghel ti APO ken ni Juan]: ken idi nakitak isuna [ti Vatica],... ken dagiti adda nga agnanaed iti daga ket

agsiddaawto, dagidiay a saan a naisurat ti naganda iti Libro ti Biag

manipud iti pundasion ti lubong, inton makitada ti isu met laeng nga ayup, nga naawan, ngem umaddanto met laeng.” “Ti ayup nga adda idi” ket isu ti Roma sakbay a nadadael, ket ita pinabbiag ni Satanas ti Roma babaen iti satanic nga espirituna, a napadakkal kadagiti rukod ti tribulasion.

No ibagak dagiti pannakaidadanes ken pannakauk-ukom a sinagrap ti iglesiak iti napalabas a limapulo a tawen, saanko nga ibagbaga daytoy tapno agriri wenno agsapol iti simpatia, ngem tapno ipakitak iti tunggal maysa iti kaadduan no kasano kalaka nga ibaturan ti amin a kinadakes manipud iti kulto a Romano Katoliko, gapu ta inikkannak ti DIOS iti sirmata. No awan ti sirmata madadael dagiti tattao (Proverbio 29:18). Agrag-otayo no maidadanestayo para ken ni JESUS. Adu ti panid a mabusbos no ibagak ti sumagmamano laeng a pannakaidadanes. Imbaga ti DIOS kaniak a masapol nga agbalinak a 100 million a daras a napigpigs a naespirituan ngem iti higante a kayo ti encina a natumba iti ruar ti iglesiak agarup 15 minuto kalpaskan ti panangibagak iti kongregasion ti imbaga ti APO kaniak.¹⁷ Nagasatkayo inton guraendakayo dagiti tattao, ken inton isinadakayo manipud iti grupoda, ken ibabaindakayo, ken no dakamatenda ti naganyo kas dakes gapu iti Anak ti Tao. Agrag-okayo iti dayta nga aldaw, ken aglagtokayo gapu iti rag-o: ta kitaenyo, dakkal ti gung-

¹⁷ Basaen “Ti Kayo,” Vol. 6500, “Ti Kadadaklan a Posision iti Entero nga Uniberso,” Vol. 19700

gunayo idia Langit: ta kasta met laeng a wagas ti inaramid dagiti ammada kadagiti profeta” (Lucas 6:22-23).

Ibagakkadakayo iti imatang ti DIOS ken iti amin nga adda ditoy lubong nga ti aw-awagan dagiti tattao nga UFO ket saan a naggapu kadagiti dadduma a planeta, ngem isuda ket Anghel ti Langit. Isapatak ti kararuak iti daytoy. Dagidiay a mangibaga kadakayo iti sabali malaksid iti daytoy, ket dagiti naallilaw a pasurot ni Satanas, kapadada ni Eva, dagiti tattao ti Babilonia, ken iti U.N., ken itugotdakayo idia Impierno. Saan a mabaelan ken saanto a maala ti sangkataoan ti lugar ti DIOS. Napaay ti sangkataoan iti

(Naituloy iti panid 8)

India

Patgek a Kabsat ken Cristo,

Bendisionannaka koma ti Dios ken agramanen ti entero a bagi ni Cristo iti ministrim. Nasayaat a bigbigen ti dakkal nga ar-aramiden ti Dios babaen iti Gospel literature mo.

Babaen iti parabur ti Dios, iti tulong ti suporta ti kongregasionmi, nangaramidkami iti Gospel tour iti akin-uneg nga away dagiti tribu ti Dondapudi. Nagdaliasat kami (40km) iti danum babaen iti bangka, tallopulo ket innem a miembro ti kaduami. Inaramid ti Dios ti kadakkelan a trabaho iti akin-uneg a lugar dagiti tribu a Hindu babaen iti babasaem. Namnamaenmi a makaisalakan iti ad-adu pay a napukaw a kararua iti dayta a lugar.

Kayatko nga ipaw-it dagiti litrato tapno makitayo ti trabaho ditoy.

Ti kararagmi ket para iti salun-at ken nadaras a pannakawayawayaya ti kabsattayo a ni Tony.

Toy kabsatmo ken Cristo,
Solman Raju Kola
Andra Pradesh, India



Ni Kabsat Solman Raju Kola ken ti evangelistic teamna nga agiwar-waras iti babasaen ni Pastor Alamo kadagiti nasulineak a lugar ti Andhra Pradesh, India.



Testimonio ni Scott Durning

Idi 11 wenno 12 ti tawenko, naaddaanak kadagiti kapadasan manipud iti kamali a naespirituan a pagarian a saan a makapabileg tapno uliten. Tawtawen kalpasan, napanak idia Los Angeles ket rinugiak ti nangala iti LSD, ken napukawko ti koneksionko iti realidad iti sumagmamano a tawen. Kasla agnanayon daytoy. Literal a patiek a natayak, ken agbibigang iti kanito a panagbiag manipud kadagiti agduduma nga LSD a panagdaliasat.

Maysa nga aldaw, iti kaasi ti Dios, agbuybuyaak iti TV iti apartment ti gayyem. Nautoyanak isu nga iniddepko daytoy. Kimmitaak iti tawa ti maikatlo a palapag ket naaddaanak iti sirmata manipud iti Dios. Kumitkitaak iti bagik idi agarup 11 ti tawenko, a nakatakder iti sango ti arubayan ti maysa a balay idia Cleveland, Ohio (a naggapuak). Binuyak ti bagik iti nadaras

unay a mosion (agarup 10 segundo) timmaengak iti agdama a tawenko, ken sitatakder iti sangoanan ti arubayan ti apartment building iti karruba. Sakbay a mapanunotko no ania ti kaipapanan daytoy, nagtimek ti Dios kaniak. Kuna ti Dios, “Pinarsua ti Dios ti init; Pinarsua ti Dios ti bulan; Pinarsua ti Dios ti daga; Pinarsua ti Dios dagiti bituen; Pinarsua ti Dios dagiti ruot; ken inaramid ti Dios a dumakkel dagiti ruot.” Naklaatak. Imbagak daytoy iti napigsa, “Isu met laeng nga init; isu met laeng a daga; isu met laeng a siak. Dimmakkelak laeng ken nagbalin a bagtit.”

Daytoy ti nangyapan kaniak iti pannakigasan-gasat, magmagna kadagiti kalye idi rabii a makikatkatungtong iti Dios. Kadagita a tiempo, namindua a binutbutengnak ti Dios iti labes ti imahinasionko

gapu ta agbasbasolak pay laeng. Maysa nga aldaw iti kinadesperadok, napanak iti Tony Alamo Christian Church idia Hollywood, California. Saanak pulos a napnapan kadagiti gimongda gapu ta saanda met a “nadenaminasionan” nga iglesia. Iti garup 11:30 P.M. adadiai ni Tony Alamo. Kinatungtongnak ni Tony ket kunana, “Aggianka koma ditoy.” Isu nga inaramidko. Iti sumaruno a rabii kadagiti gimong, addada sadiay da Pastor Tony ken Susan Alamo. Impaay ni Tony ti naan-anay a testimoniona no kasano a nakisarita ti Dios kenkuana. Saanko pulos pay a nangnanggeg idi ti pannakaugas dagiti basol babaen laeng iti dara ni Jesu-Cristo. Napigsa ti pannakariknak ti Espiritu Santo. Tallopulo a tao ti naisalakan iti dayta a rabii ket karamanak dita. Napanak iti kwarto a pagkararagan ket inawatko ti Bautismo ti Espiritu Santo. Ammok a nakaawidakon. Mayo 11, 1970 idi.

Nasurok laeng a 1½ a tawen kalpasanna, nagsuratak ken ni Pastor Tony Alamo gapu ta addaanak kadagiti pakarikotan. Agarup 2 A.M. iti dayta a rabii imbaga ti maysa kadagiti kakabsat a lalaki kaniak nga adda ni Tony Alamo iti telepono ket kayatna ti makisarita kaniak. Addaak idi iti iglesia-tayo idia Saugus, California. Pinidotko ti telepono ket imbagak, “Kumusta, ni Scott daytoy.” Awan pulos ti nagsasao. Inulitko manen. “Kumusta, ni Scott daytoy.” Idi kuan nangngegko ti timek ni Tony Alamo—“Pinarsua ti Dios ti init; Pinarsua ti Dios ti bulan; Pinarsua ti Dios ti daga; Pinarsua ti Dios dagiti bituen; Pinarsua ti Dios dagiti ruot; ken ti Dios ti nangpadakkel kadagiti ruot.” Nariknak ti Espiritu Santo a kas dakkel a pader iti aglawlawko. Binagbagaannak ni Tony Alamo iti agarup 45 minuto. Awan pulos nangibagbagaak a nakisarita ti Dios kaniak, ken uray dagiti imbagana kaniak.

Kadagiti tawtawen, nainayon ti Espiritu Santo iti amin a Naebanghelyoan a babasaen nga insurat ni Pastor Alamo, ken kadagiti amin a mensahe kadagiti iglesia. Literal a nangbangon da Tony ken Susan Alamo kadagiti “siudad” kadagiti nadumaduma a paset ti Estados Unidos para iti pagnaedan a pasilidad para kadagiti tattao iti Ministri. Naibuson dagiti Naebanghelyoan a babasaen iti 200 nga agduduma a nasion, ken kas nayonna uray pay dagiti kasapsapulan dagiti tattao. Agyamanak iti Dios ta naisalakanak ken naaddaan iti pribilehio a maadda iti daytoy a ministri.

Myanmar

Patgek a Tony Alamo,

Ipaayko ti kabaraan a kablaaw kenka manipud iti Myanmar babaen iti nagungar nga Apo ken Mannubbottayo a ni Jesu-Cristo. Sibibileg nga ikararagko nga agsayaat dagiti bambanag kenka.

Manipud idi 2002, ni Rod ken dagiti staff ket nakipaset iti church planting, evangelism, medical care, relief, education community development, childcare/orphanage programs, literature production ken distribution kadagiti agpada a namati ken saan a namati ittuy Myanmar. Ti panggepmi ket ti abuten dagiti saan pay a naabot a grupo dagiti tribu ditoy Myanmar ken iti mangidalan kadagiti saan a namati ken ni Cristo babaen iti panangited kadagiti babasaen, babassit a libro, ken Biblia, panangisuro iti Biblia babaen iti personal, babassit a grupo ken conference ministries, ken panangipatarus ken panangiprinta iti Nakristianoan a babasaen. Napudnokami iti panangaramid iti daytoy proactive a paset iti gandat a mangabot kadagiti tattao para ken ni Cristo ken iti panangipasdek kadagiti baro nga iglesia.

Napabileg ken nabendisionanak iti panangbasak iti sinuratmo a, *Ti Mesias Segun iti Padto ti Biblia*. Sipud idin, naaddaanak iti umap-apoy a tarigagay a mangipatarus iti Burmese, Hakha-Chin, ken Mizo (pagsasao dagiti tribu iti Myanmar). Gapu ta ti libro ket nabileg ken nabagas ken napagtalkak, patiek a dakkel met a

bendision daytoy kadagiti tattao. Manmano ti Nakristianoan a babasaen ditoy Myanmar, ket nagipatarus, nagprinta ken nagiwaras a libre ti bayadna kadagiti tattao nga addaan panunot maipapan iti pannakaisaknap ti Ebanghelyo. Naepektibo ken dakkel la unay ti maaramidan ti babasaen. Uppat laeng a porsiento kadagitoy a tattao ti namati ken kaadduan kadagiti rehion ket adda iti kasipngetan. Kararagmi ti mangiturong kadagiti kararua kadagiti saksaka ni Jesus babaen kadagiti insuratmo. Patiek la unay a mapennek ti panag-waw dagiti pusoda. (Ti Hakha-Chin ken Mizo ket tribu a tattao iti laud a katurturodan a rehion. Agsaoda iti bukodda a dialekto, ken kaadduan kadagitoy a tattao ket saan a makabasa iti Burmese. No makaipaw-itkayo kadagiti materialesyo para iti librariami maragsakankami la unay.

Kayatmi la unay nga idanon ti ministriyo ditoy Myanmar. Nakasaganakami a makipagtrabaho kadakayo para Kenkuana ken imbitarandakayo nga idanonyo ti ministriyo iti nasionmi. No addaankayo iti tiempo imbitarandakayo a bumisita ditoy Myanmar para iti Pagarianna.

Kumitaak iti masangoanan para iti pannakangngegko kadakayo. Bendisionannakayo ti Dios.

Iti serbisiona,
Reverend Bawi H. Thang, Director
Rod and Staff Ministries
Yangon, Myanmar

Ni Pope Francis Nasarakan a Nagbasol Iti Panagkumaw kadagiti Ubbing, Panagrames ken Pammapatay

Domingo, Hulyo 20, 2014 7:28
ni Judy Byington



Idi kalman dagiti akusado a da Pope Francis Bergoglio, Catholic Jesuit Superior General Adolfo Pachon ken ti Arsobispo iti Canterbury a ni Justin Welby ket nasarakan a nagbasol iti panagrames, panangparparigat, pammapatay ken panagkumaw kadagiti ubbing. Lima a hukom iti International Common Law Court Justice (ICLCJ) idiy Brussels ti nangpasingked a dagiti krimen ket napasamak laeng idi 2010. Nanipud iti napalabas a Marso, [nasurok a 48 a saksi](#) a nakakita mismo ti immasideg a nagtestimonio iti sangoanan ti korte iti ICLCJ maipapan kadagiti aramid dagiti akusado kas miembro iti kulto a Ninth Circle Satanic Sacrifice.

Ti kulto a Ninth Circle Satanic ket maibagbaga nga agidatdaton kadagiti ubbing kadagiti katedral iti Romano Katoliko idiy Montreal, New York, Roma, Scotland, London, Carnarvon Castle idiy Wales, iti saan a nanaganan a French Chateau idiy Holland ken iti Canadian a Katoliko ken dagiti Anglican Indian a residential schools, Kamloops British Columbia, ken Brantford, Ontario Canada. Ti kulto a Ninth Circle Satanic Child Sacrifice ket maibagbaga nga agus-usar kadagiti pribado a kakaykaywan a bakir iti US, Canada, France, ken Holland para kadagiti “tabunoda a panaganup iti tao” para kadagiti nangangato nga opisiales iti entero a lubong karamannan dagiti miembro dagiti royal a familia iti Europa. Maibagbaga a tiltiliwen dagiti Mafia dagiti agtutubo, sadanto labusan ida, ramesen, anupen ken patayen. Ibaga ti Chief prosecutor a, “Ti Iglesia a Katoliko ket isu ti kadakkelan a korporasion iti lubong ken agparparang nga adda pannakikonsabana kadagiti mafia, gobgobierno, pulis, ken kadagiti korte iti intero a lubong.”

Imbaga ti dua nga agtutubo a babbai iti Korte ti ICLCJ a rinames ida ni Pope Francis kabayatan nga agparpartisipar iti panagidaton iti ubbing. Walo pay a dadduma a saksi ti

nangkonfirmar iti alegasion kas saksi iti panagrames ken panagidaton kadagiti ubbing. Ti Kulto a Ninth Circle Satanic ket maibagbaga a naaramid kabayatan ti Spring wenno panawen ti panagrurusing iti 2009 ken 2010 iti rural a Holland ken Belgium.

Nasarakan met ni Pope Francis a kas maysa kadagiti pasimuno iti satanic a ritual a panagidaton kadagiti ubbing kabayatan ti kinapadi ken kina-obispona idiy Argentina, segun daytoy iti naselyoan a dokumento manipud iti arkivo ti Vatica. Ti maikadua a rekord a napetsaan iti Disyembre 25, 1967 a maaw-awagan iti *Magisterial Privilege* ket maibagbaga a mangipakita a ti tunggal baro a Papa ket masapol nga agpartisipar iti ritual ti kulto a Ninth Satanic a panagidaton kadagiti kayyanak a maladaga, karamanen ti pananginomda iti dara dagitoy a maladaga. Dagiti dokumento ket imparang iti korte ti ICLCJ iti prominente nga opisyal ti Vatica ken dati nga empliado iti Vatican Curia.

Idi napalabas a bulan, ti imbestigador para iti Irish Garda Police Force ket nagtestimonio iti sangoanan ti lima a hukom ken 27 a miembro iti jury a nangmarka iti nganngani 796 a tultulang dagiti ubbing a nasarakan iti poso-negro iti maysa nga Irish a madre iti Romano Katoliko. Naipasimudaag a dagitoy ket napatayda ken naidaton gapu iti maysa a ritual. Ti saksi intestimoniona a kinonfirmar dagiti forensic expert a ti pannakapugot ken pannakasina-sina ti bagbagi dagiti maladaga iti maysa a mass grave ket umarngi kadagiti gagangay a senyales iti nairitualan a pammapatay wenno panagidaton iti ubbing.

Impablaak ti [dokumentario iti BBC](#) ti lima-pulo a tawen nga iskandal iti panagkumaw kadagiti ubbing iti simbaan a Katoliko idiy Espania. Nasurok a 300,000 a maladaga iti natakaw manipud kadagiti nagannakda inggana iti 1990's. Nabagaan dagiti in-inna a natay dagiti annakda ket naita-bonda kadagiti mass graves. Ti Iglesia Katoliko ket naibaga a kimmita iti \$20 billion a dolyar iti panagampon.

Maysa kadagiti saksi ti nagtestimio nga addada idi nakimiting ni Pope Francis kadagiti military junta idi man-narimaan ti Dirty War ti Argentina idi 1970's. Segun iti saksi, ni Pope Francis ket timmulong iti pannakakumaw iti 30,000 nga ubbing dagiti mapukpukaw a politikal prisoners iti sirkulo iti international nga eksploitasion dagiti ubbing a patpatarayan iti maysa nga opisina ti Vatica.

Imparangarang ti [ABC News Special](#) a ti demonio ket ag-nanaed iti Vatica. “Dagiti dokumento manipud iti nalimed nga arkivo ti Vatica a naipresenta iti korte nalawag nga ibagana nga iti sigsiglo dagiti Jesuita ket addaan iti premeditado a plano para iti ritualda a mangpatay kadagiti kayyanak a maladaga ken manginom kadagiti darada,” kuna iti Chief

prosekyutor iti korte ti ICLCJ kadagiti lima nga internasional nga uk-ukom ken 27 a miembro iti jury. “Ti plano ket naipasngay manipud iti ballikog a kapanpanunutan a manggun-od iti naespirituan a pannakabalin manipud iti dara-ti-baig dagiti inosente, tapno masiguradoda ti politikal nga estabilidad ti turay ti Papa idia Roma. Dagitoy nga aramid ket saan laeng a genosidio wenno inranta a panangpapatay iti adu ngem sistematiko ken institusional ti naturana. Manipud iti 1773, agparparang nga ar-aramiden ida iti Iglesia a Romano Katoliko, dagiti Jesuita ken tunggal Papa.”

Ti mannarimaan ken permanente nga imbestigasion ket naorganisa tapno imbestigaren ken kasuanna dagiti dadduma pay a kasali kadagiti posible a krimen a nadiskobre iti Korte ti ICLCJ. Idi Setyembre 1, 2014 ti imbestigasion a naieskediul a mairugi ket naikkan iti paulo a Ti Permanente a Komisyon iti Panagkumaw kadagiti Ubbing ken Ritwal a Panagidaton. Iti ad-adayo a panaglitis ken maekspektar a sumaruno.

Dagiti 48 a saksi ket imparangna dagiti akusado a dagiti Katoliko a papa a Francis Bergoglio, John Paul II, ken Joseph Ratzinger; Anglican, United Church ti Canada ken dagiti ofisiales ti Iglesia Katoliko karamanen dagiti Kardinal ken ti Katoliko a Jesuit Superior General Adolfo Pachon; ni Reyna Elizabeth ken Prinsipe Philip ti UK, ti Anglican nga Arsobispo iti Canterbury a ni Justin Welby ken ti hukom iti nangato a Korte a ni Judge Fulford; idia Netherlands: dagiti kardinal ken royal iti Dutch ken Belgian karamanna ti nakoronaan a prinsipe ti Dutch a ni Alfrink Bernhard, ni Ari Hendrick, ti konsorte iti reyna Wilhelmina iti Holland, Reyna Beatrix, ti tatangna ken ti vise-Roy, Prinsipe Johan Friso ken ti asawana a ni Mabel Wisse Smit, dagiti dati a ministro, ti kangatoan a tao iti fuersa nga armada iti Dutch ken iti ander-sekretari iti Estado iti Raad van; dagiti ofisiales iti Canada, Australia, UK ken kasoldadoan ken gobierno iti US karamanna ti [CIA ti USA](#), mainayon pay dagiti prominente a miministro ti gobierno, uk-ukom, politiko, agnegnegosio iti US, Belgium, Holland, Canada, Australia, France, Ireland ken iti UK.

Ti arrest warrants dagiti tattao a maibusor ken ni Bergoglio ken dagiti amin a kakaduana ket naited idi Hulyo 19, 2014. Ti rekord ti korte ket nagtalinaed a selyado iti agdama segun iti napalabas nga press release iti ITCCS. Ti umuna a korte ti ICLCJ bigbigenna iti 50,000 a mapukpukaw a nativo nga ubbing ti Canada ken nagleppas idi Pebrero 2013 iti sentensia a nagbasol maipaay iti 40 nga elit iti lubong kanayunen ni Reyna Elizabeth.

Da Reyna Elizabeth ken Prinsipe Philip ket nakonviktar iti

Malawi

Patgek a Pastor Alamo,

Agyamanak iti panangipaw-itmo iti update maipapan iti sapasap nga ar-aramiden ti Iglesia Romano Katoliko. Palubosannak a mangsambot ditoy a mangibaga a kaadduan kadagiti miembro a nakitipon kadakami kalpasan a binasada dagiti mensahem ket naggapu iti Iglesia Romano Katoliko.

Pangaasim ta itultuloymo a parugsuen iti kinapudno iti lubong.

Innocent Mtambo

Chitipa, Malawi

panagawan iti sangapulo a nativo nga ubbing manipud iti Kamloops residencial skul iti British Columbia idi Oktubre 10, 1964. Saanen a nakitan dagiti nagannak dagiti annakda sipud idi. Ti pannakalitis ket nagparang met a nagresulta iti panagugulog ni Pope Ratzinger manipud iti puestona a kas papa. Dagiti ebidensia manipud kadagita a kaskaso ket mabalin a masarakan iti libro a [“Saanen a Nailemmeng \(Hidden No More\)”](#) ni Kevin Annett.

Addaan ti [Internasional a Korte ti ICLCJ](#) iti nasurok a 450 nga ofisiales ti Common Law Peace iti 13 a nasyon, nga addaan iti agop-operar nga 51 nga lokal chartered groups. Dagiti pondo a para iti panagorganisa ket adda a sidadaan para kadagiti grupo ti common law a mayat a sumrek. Tapno makontak ti [ITCCS](#), Korte ti ICLCJ idia Brussels, dagiti lokal a kaafiliarda, wenno tapno agboluntario, agsurat (e-mail) wenno tawagan ti: itccscentral@gmail.com, hiddenfromhistory1@gmail.com, [386-323-5774](tel:386-323-5774) (USA) wenno [250-591-4573](tel:250-591-4573) (Canada)

Maipapan iti Nagsurat

Judy Byington, MSW, LCSW, retirado, nagsurat iti “Duapulo ket Dua a Ruprupa: Iti UNEG ti Naisangsangayan a Biag ni Jenny Hill ken iti Duapulo ket Dua nga Agduduma a Kinataona” (www.22faces.com) ket retirado a therapist, Public Speaker, Actibista ken investigative journalist a dagiti artikulong maipapan iti international child exploitation rings ket nadakamat kadagiti ginasgasut a blogs ken websites. Ti ex-Supervisor, Alberta Mental Health ken Director Provo Family Counseling Center ket isu ti CEO iti Child Abuse Recovery ken Speakers Bureau (www.ChildAbuseRecovery.com). No addaanka kadagiti news tips maipapan kadagiti child abuse issues pangaasim i-emailmo ni Judy info@22faces.com. Maawiska a pumirma iti petitionmi iti Kongreso para iti pannakaimbestiga iti panangkontrol ti CIA kadagiti panunot dagiti ubbing babaen iti panangi-clickmo daytoy: <http://www.change.org/petitions/us-congress-survivors-request-investigation-cia-mind-control-of-children>

Ivory Coast

(*Naipatarus manipud French*)

Kumusta patgek la unay a Pastor Alamo.

Siak ni Pastor Gba Levi. Ditoy Ivory Coast inserrami ti ruangan ti pagarian ti Langit para iti adu a familia gapu iti rason a ti agar-aramid iti poligamia ket saan a makastrek iti pagarian ti Dios.

Kalpasan ti panangbasak iti pagiwarnakmo maipapan iti poligamia, ken iti panangipadak iti Biblia, umannamongak iti ibagbagam. Iluklukatkon daytoy a ruangan iti nalawa a wagas. Pakawanennakami koma ti Dios iti amin a kaasi.

Maysa pay, agkiddawak man iti pagiwarnak maipapan iti daytoy a topiko ken uray pay ti “Dagiti Dadduma nga Annak ni Maria.” Kayatko koma ti sangapulo a kopya ti libro a *Ti Mesias* para kadagiti dadduma a mangaskasaba a sursuroak. Nainkabsatan,

Pastor Lévi

Abidjan, Ivory Coast

TALLO A SAAN A NABALLIGI A GANDAT A PANANGPARMEK ITI DIOS

(Naituloy manipud iti panid 4)

napalabas, ken kankanayan a mapaayda.

Ni JESU-CRISTO ti SAO ti DIOS. Patiem ti SAO ti DIOS (ken ni JESU-CRISTO), ket maisalakankanto (Aramid 16:31). Tapno maawatmo ni CRISTO, TI SAO TI DIOS, ibagam daytoy a kararag:

APOK ken **DIOSKO**, maasi Ka kadi iti kararuak a managbasol.¹⁸ Mamatiak a ni JESU-CRISTO ket isu ti ANAK ti sibibiag a DIOS.¹⁹ Mamatiak a natay ISUNA idiy crus ken imbayatna iti napateg a DARANA para iti pannakapakanan iti amin a napalabas a basolko.²⁰ Mamatiak a ti DIOS pinagungarna ni JESUS manipud iti patay babaen iti pannakabalin ti NASANTOAN NGA ESPIRITU,²¹ ken agtugtugaw ISUNA iti makannawan nga ima ti DIOS ket iti agdama a dengdenggenna iti panangikonfesarko iti basolko ken iti daytoy a kararag.²² Ilukat ko ti ruangan daytoy pusok, ket AWISENKA ditoy pusok, APO JESUS.²³ Ugasam amin dagiti narugit a basolko babaen iti napateg a dara nga IMBUYATMO iti lugarko iti krus idiy Kalbario.²⁴ SAANNAKTO a paglikudan, APO JESUS;

PAKAWANEMTO dagiti basolko ken isalakanmo iti kararuak. Ammok gapu

ta ti SAOM, ti Biblia, isu ti ibagana.²⁵ Ibagi ti SAOM a SAANMONTA a paglikudan iti siasinoman, ket mairamanak dita.²⁶ Ngarud, ammok a NANGNGEGNAK, ken ammok a SINUNGBATANNAK, ken ammok a naisalakanakon.²⁷ Agyamanak KENKA, APO JESUS, iti panangisalakakanmo ditoy kararuak, ket ipakitak iti panagyamanko babaen iti panagtulnogko kas AGMANDARKA ken babaen iti saankon a panagbasol.²⁸

Kalpasan ti pannakaisalakan, ni Jesus imbagana nga agpabautisarka iti naan-anay a pannakaipabatok iti danum, iti nagan ti AMA, ken ti ANAK, ken ti ESPIRITU SANTO.²⁹ Adalem ti Santa Biblia [ti Ingles a King James Version] ken aramidem no ania ti ibagana.³⁰

Ti APO kayatna nga ibagam iti dadduma ti pannakaisalakakanmo. Mabalinnmo ti agbalin a tagawaras kadagiti babasaen a maipapan iti Ebanghelyo nga insurat ni Pastor Tony Alamo. Ipaw-itmi ti babasaen kenka nga awan bayadna. Agtawag wenno ag-email ka kanyami para iti ad-adupay nga impormasyon. Ibingaymo daytoy a mensahe iti dadduma.

No kayatmo ti lubong a maisalakan, kas inmandar ni JESUS, saanmo ngarud a taktakawan ti DIOS kadagiti KU-KUANA nga apagkapullo ken datdaton. Kuna ti DIOS, “Takawan kadi ti tao iti DIOS? Ngem TAKTAKAWANDAK. Ngem ibagayo, sadinno ti nangtakawanmi KENKA? Kadagiti apagkapullo ken datdaton. Nailunod kayo iti lunod: gapu ta TINAKAWANDAK, uray pay daytoy buo a nasion [ken daytoy buo a lubong]. Yegyo amin dagiti apagkapullo [ti apagkapullo ket iti 10% iti amin a pastrekmo] iti kamalig, tapno addanto ti karne [Naespirituan a makan] iti BALAYKO [naisalakan a karkararua], ken PADASENDAK iti daytoy, kuna ti APO dagiti BUYBUYOT, no saankonto nga ilukat kenka dagiti tawtaw ti Langit, ken ibuyatko kenka ti bendision, nga awanto ti kwarto a makalaon a mangawat iti daytoy. Ken ungtakto ti mangdadael para kadakayo, ket saannanto a dadaelen dagiti bunga ti dagayo; uray pay dagiti ubasyo saanda nga ited ti bungada sakbay iti panawenna, kuna ti APO dagiti BUYBUYOT. Ken amin dagiti nasion ket awagandakanto a nabendisionan: ta sikanto ket makaay-ayo a daga, kuna ti APO dagiti BUYBUYOT” (Malakias 3:8-12).

18 Sal. 51:5, Rom. 3:10-12, 23 19 Mat. 26:63-64, 27:54, Luc. 1:30-33, Juan 9:35-37, Rom. 1:3-4 20 Ara. 4:12, 20:28, Rom. 3:25, 1 Juan 1:7, Pal. 5:9 21 Sal. 16:9-10, Mat. 28:5-7, Marc. 16:9, 12, 14, Juan 2:19, 21, 10:17-18, 11:25, Ara. 2:24, 3:15, Rom. 8:11, 1 Cor. 15:3-7 22 Luc. 22:69, Ara. 2:25-36, Heb. 10:12-13 23 1 Cor. 3:16, Pal. 3:20 24 Ef. 2:13-22, Heb. 9:22, 13:12, 20-21, 1 Juan 1:7, Pal. 1:5, 7:14 25 Mat. 26:28, Ara. 2:21, 4:12, Ef. 1:7, Col. 1:14 26 Mat. 21:22, Juan 6:35, 37-40, Rom. 10:13 27 Heb. 11:6 28 Juan 5:14, 8:11, Rom. 6:4, 1 Cor. 15:10, Pal. 7:14, 22:14 29 Mat. 28:18-20, Juan 3:5, Ara. 2:38, 19:3-5 30 Deut. 4:29, 13:4, 26:16, Jos. 1:8, 22:5, 2 Tim. 2:15, 3:14-17, San. 1:22-25, Pal. 3:18

Kontaken dakami para iti ad-adupay nga imformasion wenno babasaen iti dadduma a topiko nga ayan ti interesmo.
Tony Alamo, World Pastor, Tony Alamo Christian Ministries Worldwide • P.O. Box 2948, Hollywood, CA 90078 USA
Linya ti 24-Oras a Panagkararag ken Imformasion: (661) 252-5686 • Fax (661) 252-4362
www.alamoministries.com • info@alamoministries.com

Ti Sangalubongan a Nakristianoan a Ministri ni Tony Alamo ket mangipaay iti lugar a mabalin a pagtalinaedan nga addaan kadagiti bambanag a nasken iti panagbiag para kadagidiy adda iti lokasion ti U.S. a pudno nga agtarigagay nga agserbi iti APO iti amin a puso, kararuak, panunot ken pigsa.

Dagiti Gimong a maar-aramid iti Siudad ti New York Tunggal Martes iti 8 P.M. ken iti dadduma a lokasion iti rinabii.
Tawagan (908) 937-5723 para iti imformasion. ADDA MAIDASAR A MAKAN KALPASAN TI TUNGGA GIMONG.

Dawatem iti libro ni Pastor Alamo, Ti Mesias, a mangiparang ken ni Cristo manipud iti Daan a Tulag iti nasurok a 333 a padto.

Makipagtrabahoka iti panagapit iti kararuak babaen iti panangiwarasmo kadagiti babasaen a sinurat ni Pastor Alamo.

Amin dagiti babasaen ken dedenggen a mensahe ket awan bayadna, agramanen ti pannakaibusonna.

Nu adda ti agpabpayad kadakayo, tawagam daytoy a numero (661) 252-5686 collect.

LINAON DAYTOY A BABASAEN TI PUDNO A PANGGEP TI DIOS A PANANGISALAKAN (Aramid 4:12).
SAAN MO NGA IBELBELLENG, IPASAM ITI SABALI.

Kadakayo nga adda iti dadduma a nasion, awisendakayo a mangipatarus iti daytoy a babasaen iti bukodyo a pagsasao.

Nu iprintayo manen, inayunyo daytoy a kalintegang iti kopya ken pannakairehistro:

© Kalintegang iti Kopya Agosto 2014 Amin a kalintegang naited World Pastor Tony Alamo © Nairehistro Agosto 2014

ILOCANO—VOLUME 20100—THREE UNSUCCESSFUL ATTEMPTS TO OVERTHROW GOD